

◎四無礙智 《教乘法數》

- 一、義無礙智。於諸法義，了了通達。
- 二、法無礙智。諸法名字，分別無滯。
- 三、詞無礙智。辯說無礙，令各得解。
- 四、樂說無礙智。十二部經，隨根性為說。

◎四法不斷 《教乘法數》

- 一、正念
- 二、正定
- 三、總持
- 四、辯才

此四是大士之要用，故恆不斷。

◎四有為相 《教乘法數》

- 一、自性相。此見相二識為體，生死根本，故星喻見，翳喻相等。
- 二、著所住味相。器世間六塵境界，種種差別，幻境無實。
- 三、隨順過失相。隨順身受即過失，如露電等喻。
- 四、隨順出離相。順人法二空真智，出二種生死。

◎二相 《教乘法數》

*《起信論》

- 一、同相。染淨二法，同真如相。
- 二、異相。真如隨緣，現差別相。

*《起信論》

- 一、智淨相。依法力薰習，如實修行，滿足方便。
- 二、不思議業相。依智淨相，能作一切勝妙境界。

*《大智度論》

- 一、總相。說一切法，皆是無常。
- 二、別相。地堅水濕，火熱風動。

*《淨名經》

- 一、眼相。二、色相。

經云：（有_|依據大正藏）佛得真天眼，常在三昧，見諸（佛國_|依據大正藏）不以二相。

什曰：不為色作精粗二相。

肇曰：真天眼，謂法身無相之目。萬色彌廣，有若目前。未常不定，未常不見（未嘗不見而未嘗有見_|依據大正藏），故無眼色之二相也。

◎二性 《教乘法數》——出《大智度論》

* 總性、別性。與上二相義同，但有內外之異。

* 一、有性。世出世法，假名施設。

二、無性。畢竟空中，一切悉無。

* 一、一性。真常不變，一性無性，即無住本。

二、無性。隨緣染習，三千宛然，即所立法。